



Qasigianguit, 16. december 2010

Inatsisartut suleriaasiat § 37 naapertorlugu Naalackersuisunut imaattumik apeqquteqarniarpunga.

### **Naalackersuisunut Apeqqut**

**Innuttaasut peqqissuunissaannut suliniut periusissat aammalu anguniagassat 2007-imiit 2012-mut ingerlasumi Inuunerittami ilaatigut anguniagassatut allanneqarsimasut ataani allassimasut imatut Naalackersuisunut apeqqutiginiarpakka:**

- **Imigassamik atuineq appariartulersimava?**
- **Ikiaroorntumik atuineq annikilliarporpa?**
- **Persuttaasarneq ukiut siuliinut sanilliullugu ikiliartorpat?**
- **Pinngitsaaliisarneq kinguaassiutitigullu innarliisarnerit ikiliartorpat?**
- **Imminortarnerit ikileriarsimappat?**
- **Kinguaassiutitigut nappaaatipalaat Klamydia gonorre allallu ikileriarsimappat?**
- **Naartuersittartut ikileriarsimappat?**
- **Pujortartartut ikileriarsimappat?**
- **Qulaani taajorneqartut pitsanngoriaateqarsimanngippata Naalackersuisut pilersaaruteqarpat pinaveersaartitsineq annertusassallugu?**
- **“Inuuneritta” ataatsimut isigalugu piffissap taamaalinerani Naalackersuisut isumaqarpat angusaqarfiulluarsimasoq?**

(Kristian Jeremiassen, Siumut)

### **Tunnngavilersuut**

Innuttaasut peqqissuunissaat ajunngitsumillu inuuneqarnissaat pingaaruteqartuuvoq ullumikkumut killiffippat isigalugu nalilersortuassallutigut, isumaqarpongalu ukiuni makkunani inuunerluutit ikiaroorntumik imigassamik allanillu atunerit inuiaqatigiinni atugaavallaartut tamannalu tulluusimaarutissaanngilluinnartoq.

Inuunerluutit atugaaneri annikillisassappata inuit namminneq atuisut eqqarsarluarlutik suleqataanissaat pingaaruteqartoq isumaqarfigivara, tassami inuup nammineerluni pissutsini allannortissinnaammangu nammineerluinnarluni.

Innuttaasut peqqissuunissaanut suliniutit annertusarnissaannut aammalu anguniagassat 2007-imiit 2012-imut ingerlasoq piffissaq affaa sinnerlugu ingerlareermat suliniutaasut ilaat qanoq angusaqarfiugallarsimanersut maannakkumut paaserusuppakka.

Imigassaq eqqarsaatigalugu maannakkut killiffippat nassuiaquara inuunerittami suliniutinut naapertuuttumik imigassamik atuineq appariartulersimanersoq.

Ikiaroorntoq Inuunerittap allaaserineqarnerata ilaani imatut allassimasumik allaqqasoqarpoq: “Hash atugaasorujussuartut isigineqarpoq” tamanna tunnngavigalugu ikiaroorntumik atuineq appariartorsimaneranik takussutissaqarpa?

Persuttaasarneq annikiliartortinniarlugu suliniutit aamma ingerlapput, persuttaasarnerlu eqqarsaatigalugu inuuneritta ingerlalernerata kingorna ikiliartulersimanersut aamma nassuiaquara.

Pinngitsaaliisarneq kinguaassiutitigullu innarliisarnerit aamma ikiliartornersut paaserusuppara Naalackersuisullu taakkununga tunngasunik paasissutissanik pajussangaannga qinnuigalugit.

Imminortarneq eqqarsaatigalugu ikiliartorsimanersut Naalackersuisut paasussutissuutigissagaat qinnugitivara.

Taamatullu kinguaassiutitigut nappaaatipalaat Klamydia gonorre allallu ikileriarsimanersut paaserusuppara.

Naartuersittartut ikileriarsimappat aamma ikileriarsimanersut paasissutissiissutigequara.

Pujortartartullu ikileriarsimappat inuunerittap suliniutigineqalernerata kingorna?

Qulaanilu apeqqutikka aallaavigalugit pitsanngoriaateqartoqarsimanngippat paaserusuppara qanoq iliorlutik Naalackersuisut pinaveersaartitsineq annertusarniarpaat?

Naggataatigullu Naalackersuisut naliliinerat paaserusuppara piffissaq affaa sinnilaarlugu ingerlareermat manna tikillugu Inuunerittami suliniutit ataatsimut isigalugit iluatsitsiffiusimanersut.